



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Sermo VIII. De vana gloria cauenda, & quòd soli Deo laus est exhibenda.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

& præcipitanter curris ad portas inferni? O quanta bona & laudabilia dicta sunt de te humilitas sancta, semper obedire parata! Tibi enim apertæ sunt ianuae cœli, ad videndā gloriosam faciem Iesu Christi. Non ergo graue alicui sit, nec indignum videatur propter Deum obedire homini, in licitis & honestis: quando Christus factus est obediens, usque ad ignominiam crucis.

3. Reuera fratres, si quis obediens, aut seruierit fratri propter Deum, hic exhibet Deo maximum in sua subiectione honorem; & habebit in fine Christum sui laboris præmium, ac sanctæ servitutis remuneratōrē ita dicentem: *Quod uni de his fratribus meis minimis fecisti, mihi fecisti.* Sine obedientia namque & fraterna charitate, aut parua aut nulla sunt opera nostra. Cum humili verò obedientia placent Deo etiam vilia & parua obsequia, fratribus impensa. Verus & perfectus obediens, non tardat vocatus, non se excusat occupatus, aut fatigatus. Timet enim Dei incurritre offendit, si non sequitur iubentis vocem, secundum suam possibilitatem. Siue ergo obediens orat vel laborat, siue legit aut scribit, siue tacet aut loquitur, siue vigilat aut quiescit, siue comedit aut ieiunat; omnia ipsi in bonum, ex merito sanctæ obedientiæ computantur. Nam in omnibus actibus suis, faciendis vel dimittendis, æquè bene meretur, si seipsum plenè intus resignat; si in his beneplacitum & honorem Dei, veraciter querit & intendit. Et tanto amplius proficit, & Deo gratius placet: quanto citius & alacrius implet, quod voluntas superioris facere dicitat. Et si melius sciret, & clarius sibi mandatum innotesceret, omni nutatione remota, promptissimum se ad obediendum Deo & vicario eius exhiberet. Idecirco verus obediens semper in gaudio est, & magnam fiduciam in Deo habet, cuius voluntatem perficere omni tempore cupit: (*à quo præmium sine fine recipere, cum electis, non dubitat*) corde & ore decantans: *Paratum cor meum Deus, paratum cor meum.* Et iterum: *Paratus sum, & non sum turbatus, ut custodiā mandata tua.*

Matth. 25.

Psal. 56.
Psal. 115a

SERMO VIII.

De vacua gloria cauenda, & quod soli Deo laus est exhibenda.

Sic luceat lux vestra coram hominibus, ut videant opera vestra Matth. 5. bona, & glorificant Patrem vestrum, qui in celis est. Dilecti fratres, quando aliquid boni facitis, nolite extolli, nolite vanè gloriari: sed humilietis cor vestrum coram Deo, ne propter vanam gloriam & propriam complacentiam perdatis cœlestem gloriam, & mercedem æternam. Omnis actio bona Deo ascribenda est, non vestre industria nec potentia. Studeatis foli

28 SERMONES AD NOVITIOS.

soli Deo velle placere, & proximo bonum exemplum dare, in obseruantia regularis disciplinæ: ne diabolus inueniat, vnde vos grauiter accuset, & improperet, quia similes estis sepulchris foris

Matth. 23. dealbatis. Quid prodest vana laus hominum, quando intus arguit mala conscientia peccatorum? Superbus & ambitiosus, gloriae temporalis, laborem sine fructu habet: & nisi citò pœnituerit, & se profundè humiliauerit, maioris pœnæ cumulum aggregabit.

1. Cor. 13.

Matth. 25. Extra charitatem Dei & proximi, nulla prosunt opera ab hominibus laudata: sed sunt sicut vasa vacua, oleum non habentia: & sicut lucernæ in tenebris non lucentes. Profectò namque fatuæ sunt virgines, qui pro aliquo bono opere vel sermone quærant hominum laudes. Prudentes verò sunt, qui in timore stant, & paruum bonum quod agunt, in vera humilitate cùstodiunt: totum etiam quod sciunt & intelligunt, & ad effectum producunt, aut facere in melius proponunt, hoc summo Deo omnium bonorum largitori veraciter attribuunt. Alioquin fures sunt & latrones: fures, quia gloriam & honorem Dei illicite usurpant: latrones, quia vanè gloriando animam suam inficiunt, & superbiendo gratiam Dei perdunt.

2. *Quis est iustus & prudens?* Qui Deum præ oculis semper habet, semper bona cogitat, semper bona loquitur, semper bona operatur, dum viuit & potest. Nolite, fratres, ideo superbire, quia multa scitis & legistis: aut quia diu in via Dei & in religione sustis. Dolendum magis, quia tam parum in virtutibus profecisti: & vtinam primitias nouellæ dulcedinis adhuc haberetis, & ita sentiretis. Verumtamen non debetis desperare, nec ab inceptis bonis desistere: sed cum omni humilitate diuinum auxilium flagitare, vt Deus dignetur nouum feruorem vobis inspirare. Nam quamdiu homo in statu præsenti versatur, instabilis est, & de bono ad malum labilis: & è conuerso, de malo ad bonum reparabilis. Vnde sapiens rex Salomon ait: *Non est homo iustus super terram, qui facit bonum, & non peccet.* Et beatus Ioannes, amantisimus Iesu discipulus, dicit in epistola sua, ne aliquis glorietur inaniter de iustitia & puritate sua: *Si dixerimus, quia peccatum non habemus, nosipso seducimus, & veritas in nobis non est.* Nemo ergo se excusat, quasi innocens sit, & à culpa purus: quia *in multis offendimus omnes*, ait beatus Iacobus Apostolus. Aut enim scienter quis peccat, aut ignoranter, aut sponte, aut inuite, aut ex infirmitate, aut peruersa voluntate, aut ex timore vel ex amore; aut ex desperatione vel præsumptione, aut ex animi leuitate, aut ex consuetudine, aut ex tepiditate, aut ex societate træclus, aut singularitate elatus, aut iracundia commotus, aut concupiscencia allectus.

3. *Istis*

Ecclesi. 7.

1. Ioan. 1.

Iacobi 3.

Quot modis quis peccet.



3. Iстis passionibus variisque desideriis, tanquam contrariis ventis, mouetur & turbatur saepe cor hominis: & propter has mundi procellas, rarissime venit homo ad portum quietis. Vix enim est dies aut nox, hora vel mora tam breuis & bona, quin in aliquo homo erret, aut tepeſcat, aut negligentias committat. Pro quibus omnibus sine intermissione orare oportet; ut pius Deus misericorditer ignoscat omnibus malis nostris, quae vel facto, aut cogitatione delinquimus. Et quia nemo purus a forde, ideo cum *Tob. 15.* humilitate & cordis contritione, ad confessionis remedium cele-riter recurrentem est: & cum maiori custodia de cætero ab omni occasione malarum cogitationum præcauendum. Oportet hominem in initio niti præcauere malum; ne serpens lubricus foramen paruum inueniat, & tandem totum caput cum cauda vio-lenter infigat. Cor hominis quiescere nescit: sed vel in bono aut in malo occupatur, sicut experientia frequens docet. Et quantum bonum quis diligit & virtutes sectatur; tantum malum odit & vitia execratur: quia contraria in una domo morari non pos-sunt. Nemo tamen requiem cordis inueniet, quicquid habet vel desiderat, nisi Deum verum & summum bonum quaerat, & ha-beat ad fruendum; & temporalibus moderatè vtatur, ad æternum Dei regnum promerendum.

4. Quærite ergo nunc fratres Christum in humilitate, ut postea videatis eum in sua maiestate. Quærite nunc gratiam eius per orationes cum lachrymis sinceris: ut purificati a foribus cun-ditis, digni sitis videre faciem eius in calis. Quærite nunc Chri-stum in lege & Prophetis, velatum sub figuris: ut postea omnia secreta scripturarum perfectè sine libris & magistris cognosca-tis, sicut per Apostolum Paulum dicitur: *Videmus nunc per specie-lum in enigmate, tunc autem facie ad faciem.* Sed ad habendum sum-mum bonum cum electis Dei, quis aptus & dignus esse poterit? Nempe verus humilis, perfectè obediens, mitis & patiens, mul-tum dolens de peccatis, fortiter resistens vitiis, mundi gloriam spernens, seipsum nihil reputans: Ad exteriora rarus, ad interiora assiduus: Ad terrena frigidus, ad cælestia feruidus: Ad portandum alios benignus, ad castigandum se strenuus: Ad indulgendum facilis, ad irascendum difficilis: Ad custodiendum cor suum om-ni hora sollicitus: Ad exequendum foras tardus, ad remanendum domi animo lætus. Beatus, qui hæc mente reuoluit, & ad intima sua citissimè redit. Beatus, qui nil temporale, nil carnale, nil tur-bidum, nil tumidum, in secretarium cordis sui finit intrare, nec patitur immorari. Beatus, qui multa bona scit, & facit quæ didi-cit: quia nunc magnam pacem habet, & in futuro beatiorē cum Christo gloriam iugiter obtinebit. Tunc enim euanescent omnis

vana

50 SERMONES AD NOVITIOS.

vana gloria & temporalis l^aetitia, c^{um} apparuerit Christus, vera & c^{ele}stis gloria. Quam nobis conferre dignetur c^{um} omnibus sanctis suis, qui est super omnia Deus benedictus in secula, Am^e.

SERMO IX.

De periculo multorum malorum ex multiloquio.

i. Reg. x.

1. **N**olite multiplicare loqui sublimia gloriantes. Dilecti fratres, teneatis versiculum istum firmiter in mente vestra, & caueatis loqui de alta materia; ne diabolus vos tentet de vana gloria, & perdatis tempora vestra, pro deuotione & compunctione vobis data. Magis expediret multis, quod cogitarent de poenis inferni, & igne purgatorij, quam de latitudine mundi & altitudine celi. Nam cogitare & loqui de tremendo futuro iudicio & de suppliciis reproborum, s^epe timorem incutit, qui est valde utilis tepidis & dissolutis. Loqui autem de celo empyreo, & nouem chorus angelorum, non deseruit iuuenibus & immortificatis monachis; qui leuiter extolluntur, c^{um} subtilia aliqua legunt vel audiunt: de quibus melius tacerent, & defectus suos inspicerent, & lugerent.

2. Fratres tunc verè sapienter agitis, si cognoscitis vitia vestra: & acriter de omnibus malis doletis, quæ fecistis. Heu, quanta bona omni hora, otiando & fabulando perditis; quæ laborando, tacendo, & orando, lucrari potestis! Proponatis ergo firmiter vos emendare, & feruenter prospicere, & in ordine constanter perseverare. Sepissimè oculos vestros cum humili prece leuate ad Dominum in celis gemendo, & in secreto cordis vestri pro delictis orando. Tales Deus diligit, qui corda sua ad c^{ele}stia s^æpius levant & orant. Libenter ignoscit culpis vestris præteritis, si veniam petitis, & gratiam queritis & custoditis. Nunquam fatu cogitetis magna & alta de vobis, ne cadatis antequam sciatis.

Gratiæ per
omnia
Deo agen-
da.

Ephes. 5.

3. Quando ergo aliqua bona cogitatis, vel dicitis, vel facitis, non hec vobis vel in modico attribuere debetis: sed statim omnia ad Deum integrè referre cum gratiarum actione studeatis, à quo omnia bona descendunt, qua in vobis cognoscitis, & in aliis videris. Omnia Dei dona sunt, quæ corpus & animam ornant: Deus enim dedit esse, vivere, sentire, agere, discernere, & intelligere. Magna cæcitas cordis est, non considerare dona diuina, & quantum creatori tenemur regratiari. Tanta sunt beneficia Dei, ut numerari nequeant, nec sufficiant explicari. Grauiter ergo peccant, & per ingratitudinem Deum offendunt; qui vanis implicati, deuotas Deo laudes, pro beneficiis eius, non persoluunt. Vnde Apostolus Paulus ait: *Gratias agite semper pro omnibus*, in

rom. 15.

